

羅浮志卷十 原卷六

東莞陳璉廷器撰

九龍真逸補

人物下 宋至洪武初

陳堯佐 以下宋人

陳堯佐由潮倅權惠守嘗遊羅浮愛其山水之勝命工圖之遂為之贊後拜相諡文惠 原按宋史本傳堯佐字希元閩中人進士及第歷遷開封府推官坐言事忤旨降通判潮州不言其權惠守蓋偶闕也阮元通志堯佐咸平二年在潮州通判惠州志堯佐權惠州吏民化服嘗手植荔枝於州治東人不忍傷謂之將軍樹

高紳

高紳中書舍人直史館知廣州軍嘗撰中閣禪院脩建道場頌 原按皇朝事實類苑高紳江東人善篆阮元通志紳景德二年知廣州軍州事宋詩紀事紳廣東鈐轄使

羅十

余靖

余靖字安道知英州有穎川公留題羅浮詩序及序五色雀事歷官至工部尚書諡忠襄 原按宋史本傳靖韶州曲江人舉進士累遷集賢校理范仲淹貶饒州靖言仲淹不可譴謫落職知英州後官至工部尚書卒諡曰襄韶州志云諡忠襄阮元通志云諡襄靖此云忠襄本韶州志

胡宿

胡宿字武平晉陵人天聖二年進士官至樞密副使諡文恭有冲虛觀詩 文恭集補。按宋史本傳宿

張愈

張愈字少愚益州郫人寶元初上書言邊事樂山水遇有興雖數千里輒盡室往遂浮湘沅觀浙江升羅浮入九嵎

買石載鶴以歸宋史隱逸傳補

祖無擇

祖無擇字擇之皇祐中為廣東提刑嘗被制決獄至羅浮

有詩原按宋史本傳無擇上蔡人進士高第歷知南康軍

提點淮南廣東刑獄阮元通志無擇慶曆四年任轉運判官提點刑獄

郭之美

郭之美廬陵人惠州文學掾嘗撰山記一卷自為之序原按

江西通志之美與父佺同登景祐進士官至屯田員外郎集賢學士山記序稱皇祐為惠掾

陳偁

陳偁延平人守惠陽有遊羅浮詩其子瓘為諫議大夫號

了翁原按延平府志偁字君舉沙縣人治平間知惠州築豐湖以朝議大夫致仕又宋史陳瓘傳瓘字望中徵

羅十

二

宗時遷左司諫論蔡京蔡卞發露其情慝得禍最酷宣和六年卒年六十五靖康初贈諫議大夫聞見前錄瓘年十八登進士甲科以卒年推之瓘登進士在偁知惠州前山志會編瓘有寶積寺詩蓋侍偁在惠州作

周敦頤

周敦頤字茂叔號濂溪為廣東轉運判官有羅浮詩原按

本傳敦頤道州營道人為廣東轉運判官提點刑獄行部不憚勞苦雖瘴癘險遠亦緩視徐按嘉定十三年賜諡元

公阮元通志敦頤熙寧元年任轉運判官六年提點刑獄

郭祥正

郭祥正字功父太平州當塗人母夢李白而生少有詩聲

舉進士熙寧中奏乞用王安石安石反詆之遂出知端州

自謂留心政術不宜賦詩然時吟一篇世爭傳之聽惠

守談羅浮山詩宋史本傳青山集參黃佐通志補

盧大年

盧大年熙寧辛亥權廣東轉運判官有羅浮山

德碧落洞題

名參宋詩紀事補遺補

王獻臣

王獻臣字賓虞惠安人熙寧三年特奏名官祕書郎著有

卧龍翁集有麻姑壇諸詩據宋詩紀事補遺補

林俛

林俛莆田人皇祐元年進士元豐元年知惠州又知連州

有游羅浮諸詩據宋詩紀事補遺補

吳與

吳與廣東提刑有羅浮詩源按郭棐粵大記與字可權漳浦人知四會縣有惠政遷通判

羅十

三

潮州終廣東提刑宋詩紀事與元豐五年進士阮元通志與元豐間潮州通判

孫載

孫載字積中崑山人登進士除廣東常平觸暑行部以宣

德意元祐四年遷轉運判官六年任轉運使人頌其廉能

政暇即遊羅浮訪古賦詩有葛仙祠諸詩據黃佐通志阮元通志宋詩紀

事補遺補

林顏

林顏字仲和侯官人希弟嘉祐四年進士終中奉大夫直

祕閣有羅浮夜樂池諸詩據山志會編宋詩紀事補遺補

次升傳紹聖中次升論章惇蔡卞姦情卞交惡之使所善太常少卿林顏致已意嘗以美官當即其人

蘇軾

蘇軾字子瞻號東坡居士工文章尚氣節官至禮部尚書
諡文忠紹聖元年謫惠州居白鶴峯下留惠者凡四年往
來羅浮殆居其半原按宋史本傳軾眉山人紹聖初御史
論軾所作詞命譏斥先朝貶惠州又貶
瓊州別駕後卒於常州集中有遊羅浮山
白水山諸詩其餘詩文稱羅浮者甚夥

蘇轍

蘇轍字子由與兄軾同登進士科元祐間代軾為翰林學
士進門下侍郎軾謫惠州轍亦謫雷州後移循州復大中
大夫致仕號穎濱逸老清熙中諡文定有和子瞻遊羅浮
山詩宋史本傳
樂城集補

蘇過

蘇過字叔黨軾季子軾貶惠州遷儋耳獨過侍之有和大
羅十

人遊羅浮山諸詩宋史蘇軾傳
川集補

石汝礪

石汝礪汝陽隱者也蘇軾南遷與幼子過遊聖壽寺遇汝
礪談羅浮之勝至暮乃去東坡大全集輿地紀勝補○按
書錄解題載有汝礪乾生歸一
十卷韶州志汝礪圖
字介夫號碧落子

鄭摠

鄭摠字清叟英州人生平達性命了生死齊物我蘇軾贈
詩云年來萬事足所少惟一死澹然兩無求滑靜空棊几
摠撰有羅浮仙人藍喬傳軾和陶雜詩即詠之輿地紀勝
施注蘇詩

夷堅志補

吳復古

吳復古字子野號遠遊潮陽人居憂廬墓三年寂默自求
一見蘇軾便論出世法軾與游幾二十年及南遷會涇陽
語軾曰邯鄲之夢足以破妄而歸真子目見而身履之亦
可少悟矣軾寓惠州復古與叩羅浮道院宿於西堂嘗絕
粒不睡軾與子過芝上人陸道士並作詩戲之軾弟轍移
循州時亦以詩招復古往又和其絕句云慣從李叟遊都
市久伴藍翁醉畫堂不似蘇門但長嘯一生留恨與嵇康
注稱子野昔與李士宐縱遊京師與藍喬同客曾魯公家
最久藍者卽所稱羅浮仙人也後軾北還復古送之中
道而殂軾以文祭之云有疾不藥但却甘肥問以後事一
笑而麾可以知其人矣

東坡集樂城集
施注蘇詩補

羅十

五

方子容

方子容字南圭興化軍莆田人皇祐五年進士紹聖間知
惠州蘇軾寓惠州容與循守周彥質過其新居軾有次韻
惠循二守相會詩及徙瞻耳子容自攜告身往弔軾以爲
前定遂寄家惠州與幼子過渡海子容嘗游羅浮有西龍
潭詩

東坡志林施注蘇詩參阮元通
志博羅志宋詩紀事補遺補

林同叔

林同叔紹聖間知增城縣事東坡與歐陽知晦牘稱增
城奇士幸此少留公所與故自不凡者也有黃龍洞諸詩

東坡集參增城
志博羅志補

傅燮

傅燮紹聖間廣東轉運副使有羅浮朝斗壇諸詩據山志

元通志補按直齋書錄解題有靈樞道言發微二卷朝

議大夫致仕傅燮撰進專言火候又江西通志云傅燮字

謝圖南

謝圖南紹聖間知惠州有黃龍洞詩據惠州志山

孫欽臣

孫欽臣字仲恭長沙人有羅浮卽景詩據宋詩紀事補遺

二年澹山
巖有題名

譚粹

譚粹凌江人知惠州有重脩羅浮集序原按黃佐通志熙

善政考羅浮集序稱元符三年知郡凌江譚粹則粹知惠

羅十

六

江者阮元通志凌江
南雄州城西北江

張琬

張琬字德甫番陽人崇寧元年任廣東轉運判官四年權

轉運副使有南樓寺詩據阮元通志宋

滕祐

滕祐字公安南陽人崇寧乙酉領使南海有龍華寺詩據

志會編高要
志金石略補

李南仲

李南仲滇陽人中神童科知康州有羅浮山賦源按韶州

童子科自以學未大成選於羅浮誦讀不輟人
名其地曰李秀巖大觀初知康州以治行聞

唐庚

唐庚字子西有才畧由太博謫居惠陽有羅浮卓錫泉湯
泉佛迹三記并詩源按宋史本傳庚眉州丹棱人張商英
薦其才商英罷相坐貶惠州會赦歸蜀
道病卒

梅蟠

梅蟠字子升歸善人博學強記筆力豪放擢元豐八年第
授廸功郎鄉人稱曰梅夫子惠之江山多所留題晚居豐
湖號羅浮山人眉州唐博士謫居從之遊有何仙姑祠詩

輿地紀勝參惠州
志粵詩蒐逸補

鄭玠

鄭玠瀆陽人官至太府寺丞嘗讀書羅浮有白雲菴詩其
子康佐後知惠州亦有羅浮詩源按郭棐粵大記鄭玠字
太玉嘉熙初以上舍對策

羅十

七

極言天下事李昂英亟稱之涪祐甲辰釋褐知博羅縣事
遂結廬幽居洞與逍遙子唱和後擢太府寺丞以去子康
佐知惠州乃闢菴為鄭公書堂考唐庚眉山集有寄潮陽
尉鄭太玉詩云又種羅浮一熟田江陽未得返耕屨則太
玉初居羅浮後為潮陽尉庚又有潮陽尉鄭太玉夢泉詩
次太玉見寄詩鄭太玉送子魚詩庚之謫惠在政和初則
玠亦政和間人又羅浮五龍潭有紹興辛未權發遣軍州
事瀆陽鄭康佐題名眉山集有康佐跋稱紹興二十一年
左朝奉郎權知惠州則康佐紹興間人如玠嘉熙對策涪
祐知博羅去庚謫惠州百十餘年去康佐官惠州亦九十
年矣粵大記誤也○又按宋詩紀事補遺云康佐父摠與
子西友善豈玠初名摠字清叟後改名玠字太玉耶他書
皆以摠與玠為二
人記之以俟知者

蔡元厲

蔡元厲延平人有贈逍遙子諸詩據山志會編宋
詩紀事補遺補

耿南仲

耿南仲廣東提刑遊羅浮有詩源按宋史本傳南仲開封
府人欽宗即位官尚書左

承阮元通志南仲字晞
道政和間提點刑獄

霍暉

霍暉字明甫南海人元祐初舉八行政和五年官海豐縣

尉有冲虚觀記

本志參廣州人物傳補

羅從彥

羅從彥字仲素南劍人聞同郡楊時得河南程氏學徒步
往學時弟子三千人無及從彥者紹興二年年六十一以
特科授惠州博羅縣主簿在羅浮山靜坐三年所以窮天
地萬物之理朱熹謂龜山倡道東南士之遊其門者甚眾
然潛思力行任重詣極如仲素一人而已卒年六十四學
者稱曰豫章先生涪祐間諡文質

宋史本傳涪祐七年周覆諡議豫章羅先生

羅一

八

年譜補按豫章之學傳李延平延平傳朱子見宋史

陳申

陳申長樂人惠州文學掾嘗取東坡先生文集有闕羅浮
者得雜書十五篇申自跋其後

龔茂良

龔茂良廣東經路有詩戲東無語唐道人後拜參政

源按宋史

本傳茂良字實之興化軍人紹興八年進士第官廣東提
刑累遷禮部侍郎拜參知政事諡莊敏阮元通志茂良紹
興間知潮州軍
州事提點刑獄

潘預

潘預字晉卿博羅人遠於易三山林東負時名少許可及
抵羅浮見預論先後天之旨遂爲之屈龔茂良帥廣聘至

番禺教士南州經學自是日盛據博羅志補

陳知柔

陳知柔字體仁溫陵人自號休齋居士紹興十二年進士
歷知賀州及罷歸留惠三年陶寫羅浮風物殆盡據尚友錄補

按知柔羅浮詩今佚

留正

留正嘗在羅浮水簾洞讀書有天漢橋詩後拜相封魏國
公原按宋史本傳正字仲至泉州永春人六世祖從效事太祖封鄂國公紹興十三年第進士紹熙元年進左丞相嘉泰元年進封魏國公開禧二年薨年七十八贈太師寶慶三年諡忠宣博羅志正嘗寓水簾洞及梅花村應惠州舉登進士第初正未遇時遊於惠歸善人徐敦實夢中庭以訓子弟以第三女妻之正登進士第歸展敦實考承事墓方拜大風偃墓松如答拜狀因呼為答拜松

羅十

九

張宋卿

張宋卿嘗讀書羅浮水簾洞後官至祕書郎有憶羅浮詩
原按輿地紀勝宋卿警敏強記或借書於友人一閱成誦紹興丁丑以春秋魁為天下第一正色立朝剛而有禮名重諸公兵侍胡銓對高宗曰張宋卿鯁直可任臺諫魏國公張浚力薦於朝初宋卿母方娠父夢人贈詩曰白蓮軒上白蓮池一舉成名天下知四十二年間富貴滿船空載月明歸幸於官年四十二殯僧刹名白蓮軒後葬羅浮峯下有白蓮池乃驗夢中之句惠州志宋卿字恭父博羅人嘗與留正講學於羅浮擢進士第除祕書省正字遷校書郎終肇慶守

朱熹

朱熹字元晦號晦菴諡文公嘗和東坡羅浮梅花村詩以
寄意原按朱子事實詳宋史本傳圖書集成引羅浮山志有朱子登羅浮峯詩云休暇曹事簡登高恣窺臨倘伴偶此地曠望披塵襟落日暇遠郊暮色生寒陰歡娛未云已更欲窮幽尋行披茂樹盡豁見滄溟深恨無雙飛翼

往詣蓬山岑又云朱子嘗登羅山絕頂晨起見煙雲在山下眾山露峯尖如在大海中雲氣往來山若移動天下奇觀也此未詳所出朱子足跡似未至惠州登羅浮峯詩嘉靖朱子大全集作登羅漢峯疑漢誤為浮

芮睦

芮睦國子祭酒有中閣院詩

原按尚友錄睦字國器烏程人紹興戊辰登第宋詩紀事

補遺睦官至祭酒卒呂東萊再娶乃其女也黃佐通志隆興中睦為廣東提刑以文章勸吏事人推重之考朱子文集有送芮國器詩有與芮國器書蓋與朱子交契者中閣院詩山志會編未載

陳煥

陳煥字少微博羅人以禮遜化間里鄉人稱曰陳先生祭酒芮睦嘗造其廬見四壁蕭條贈詩云原思非病貧何患回也雖貧樂有加歲晚與誰同此呀梅花深處是君家煥詩清勁傳於世者幾百篇以特科調高安縣簿秩滿不仕

羅十

十

有梅花村諸詩

據萬姓統譜粵詩蒐逸補

王傅

王傅字巖起山東蓬萊人紹興二十六年以朝請郎提舉

廣東茶鹽有明福觀詩

據宋詩紀事補遺補。按山志會編明福觀詩下祇作巖起蓋當時

題詩祇署字故不得其姓名宋詩紀事補遺以為王傅作傳提舉廣東茶鹽見繫年要錄阮元通志亦云傅紹興間提舉市舶惟考宋人字巖起者尙有二人一余良弼順昌人建炎進士第通判漳泉二州改廣西漕移提點刑獄見延平府志朱子文集有余巖起集跋一林拱辰平陽人清熙登第廣東經略安撫見温州府志二人是否會遊羅浮今無可考宋詩紀事補遺或別有所本茲從之

楊萬里

楊萬里號誠齋為廣東提刑嘗至羅浮有詩

原按宋史本傳萬里字廷

秀吉州吉水人紹興二十四年進士第提舉廣東常平茶鹽盜沈師犯南粵帥師往平之孝宗稱曰仁者之勇遂有

大用意就除提點刑獄請於潮惠二州築二砦潮以鎮賊之巢惠以扼賊之路俄以憂去後官至寶謨閣學士卒諡節文

陳鵬飛

陳鵬飛永嘉人由侍講謫居惠州遊羅浮有錫杖泉詩原

宋詩紀事鵬飛字少南紹興進士官太學博士崇政殿說書忤秦檜謫居惠州卒有羅浮集輿地紀勝載有鵬飛惠州詩手擷春畦瓜甲香黃羹紫笋快先嘗我今驂邑無三百祇有園蔬一味長

陶定

陶定字安世吳興人乾道二年提舉廣東市舶四年任轉

運判官有蘇後湖遇黃真人記手書刻石於羅浮山水簾

洞本志參阮元通志補

吳哀

羅十

吳哀睢陽人乾道間知惠州有篆書羅浮二大字刻於羅

浮五龍潭據阮元通志補

宋煜

宋煜字伯華莆田人淳熙二年提舉廣東市舶知循州改

知惠州減重額刷違戶剗虛籍惠人德之有羅浮諸詩宋

詩紀事補遺惠州志博羅志補

陳允升

陳允升閩縣人淳熙四年太學釋褐有羅浮釣魚臺詩據

詩紀事補遺補

葉適

葉適字正則温州永嘉人淳熙五年進士第二人官至寶

文閣學士諡忠定有自羅浮行田宿華嚴寺詩宋史本傳水心

劉克莊

劉克莊號後村廣東提刑莆田人原按尚友錄克莊字潛夫清熙中舉進士官至龍圖閣直學士諡文定阮元通志克莊嘉定間官潮州通判嘉熙四年任轉運判官清和間提點刑獄博羅志載有克莊羅浮諸詩

傅烈

傅烈字承仲晉江人以易學名家慶元擢進士嘉定十年知保昌縣歷惠州教授知循州民懷其惠有浮碇岡詩據

姓統譜阮元通志補

林千之

林千之莆陽人官至府僉有水簾洞贈讀書堂黃秀才詩

羅十

原按阮元通志千之嘉定間任潮州通判

龔日章

龔日章莆田人慶元二年惠州教授歷江東安撫使有次林千之韻贈水簾洞黃秀才詩據博羅志宋詩紀事補遺補

敖陶孫

敖陶孫字器之福清人弱冠鄉薦補入太學韓侂胄逐朱熹陶孫首以詩送之趙汝愚謫死陶孫哀之以文後登慶元五年進士任廣東運判有冲虛觀諸詩據郭棐粵大記山志會編宋詩

紀事補

唐彪

唐彪字仲孺靜江人嘉泰三年知新州邦人感其德嘉定

七年提舉廣東常平有訪羅浮莫道人詩據黃佐通志阮元通志博羅志

曾治鳳

曾治鳳號東皋廣東經略有遊羅浮詩原按黃佐通志治鳳晉江人開禧元年進士應官廣東提刑後帥廣東不嗜殺戮寇發循惠間請其追捕不從必諭降之詩今佚

陳元晉

陳元晉字明父崇仁人嘉定四年進士累官邕管安撫使有遊羅浮寶積寺詩據江西詩徵補

留筠

留筠字端父號老巖廣東經略有朱明洞諸詩原按山志會編筠正之次子代兄恭為廣帥考宋史留正傳正子恭丙端泉州志正季子碩并不言有筠豈丙與筠即一人先後異名耶

羅十

宋詩紀事補遺筠清源人嘉定丁丑刻詩於澹山巖曰行部來遊筠蓋於嘉定間官荆南阮元通志載南海廟東坡浴日亭詩石刻云筠得此真蹟嘉定辛巳來謁祠下因出以壽諸石未題留筠端父書筠為廣東經略當即在是時

留元崇

留元崇正之孫端之子官知連州寶慶元年充經略安

司主管機宜文字劉克莊有答元崇詩不見龍驤與驥馳

紛紛蟲篆鬪蛛絲君侯傑出南方者老僕終當北面之憶

玉樹枝勞遠夢薰薔薇水讀來詩自慙眼力非關令紫氣

浮空懵不知元崇時至羅浮遊詠殆徧有羅浮諸詩後村集修

南海廟記石刻參山志會編粵東詩海宋詩紀事補遺補

留元長

留元長丞相留魏公之孫號紫元子嘗著金丹世系記授

進士鄒師正原按山志會編引廣州志云元長筠弟全州通判碩之子嘉熙中以朝請郎知全州與白
玉蟾同師陳楠玉蟾謂紫微垣中九皇星三日紫清紫元
紫華因誤校刻遲之錄降人間十世已乃紫清也元長因
以紫元自號嘗行符法阮元通志元長知
連州事據自記則云作縣邵武佐漕嶺南

王胄

王胄字希戴清源人號是菴惠州文學掾文章典雅才識
絕倫嘗脩羅浮圖志蒐采無遺尤當於理識者韙之原按

志胄永春人嘉定十六年省試第一連捷進士調惠州教授入為太學正遷博士以劾罷紹定間通判惠州羅浮山水之勝題詠殆盡卒於官

鄭萬

鄭萬免解進士有羅浮圖志續跋原

朱篆

羅十

十四

朱篆賜同進士出身有羅浮圖志續跋原按惠州志篆歸善人寶慶二年進士從事郎梅州司法

朱質

朱質金華人由侍郎居惠州有羅浮諸詩原按朱質未詳原次鄭萬朱篆後始仍之詩亦佚

黃煜

黃煜清漳人知博羅縣有胡蝶洞詩據惠州志宋詩紀事補遺補按煜知博羅時代無考惠州志次在陳文孫前始仍之

陳文孫

陳文孫紹定三年廣州別駕知博羅縣累官奉議郎知封
州有石洞寄莫道人詩本志參阮元通志博羅志補

陳洹

陳洹字公源京學進士有羅浮廣莫菴記原

趙汝馭

趙汝馭號雪廬惠州太守有羅浮山行記及羅浮諸詩原

宋詩紀事補遺汝馭温州樂清人太宗八世孫嘉定元年進士清祐三年知惠州政務安靜而簡以文學累官廣東轉運使

趙希嬰

趙希嬰博羅合嘗作見日菴記原

李昂英

李昂英號文溪探花郎吏部侍郎有題冲虛觀修造疏及國醮奉使賫香詩原按廣州人物傳昂英字俊明番禺人寶慶丙戌試南省第三人累官吏部侍

羅十

五

郎論董盧二巨閣留疏出國門歸鄉往來羅浮篇詠頗富諡忠簡

鄭有年

鄭有年福建人寶慶時人有青霞谷詩據宋詩紀事補遺補

陳夢庚

陳夢庚字景長閩人紹定中廣西路漕幕淳祐間知惠州有飛雲峯詩據宋詩紀事阮元通志博羅志補

王鐸

王鐸惠安人紹定元年進士清祐四年提舉廣東常平市舶有胡蝶洞詩據阮元通志宋詩紀事補遺補

李夢呂

李夢呂號湖循州人官至僉判有游羅浮詩原按惠州志夢呂龍

川人寶祐四年
進士翰林博士

王中字

王中孚汀州人家貧力學嘗有一翁許以寶祐癸卯方可
富貴至期年踰五十下第歸卧忽夢翁至詰之曰言不驗
矣翁曰古人有言貧賤常思富貴富貴必履危機吾往淮
閩能相從乎王喜隨行引見薦為縣令即有車馬儀從又
數任得罪當戮對妻大哭而寤妻亦夢覺所言一同王大
悟辭絕親故攜妻往羅浮山不知所終據圖書集成引江
湖紀聞補○按寶
祐無癸卯疑癸
丑或乙卯之訛

師顯行

師顯行字內機眉山入景定四年知惠州在郡五年政尚

羅十

六

簡靜公暇著書自娛有天華菴諸詩

據郭棻學大
記博羅志補

劉黻

劉黻字聲伯樂清人淳祐十年試入太學時丁大全劾奏
丞相董去國黻率同舍生伏闕上書忤執政送南安軍
安置大全貶黻還太學後歷官至試吏部尚書咸淳十年

母憂明年江上師潰陳宜中謀擁二王由温州入海

黻共政黻遂起及羅浮以疾卒

宋史本傳補○按劉黻九
峯講院記云景炎記元子

寓羅浮當時實隱於山非行及羅浮也宋史本傳又云時
疫癘盛行服大黃者不死陳宜中貽黻服之卒不救蓋未
起行而卒

區仕衡

區仕衡字邦銓順德人學宗程朱在太學與樂清劉黻吉

水鄒瀨爲莫逆交嘗率黻等疏論賈似道不報遂歸築講院於所居陳村門人稱九峯先生黻寓羅浮爲作九峯講院記端宗幸閩廣仕衡上陳宜中恢復策自是不食景炎二年卒有登西樵後卽往羅浮山詩九峯先生集孫黃區上舍公墓表補

孫直臣

孫直臣贛縣人有延祥寺詩據宋詩紀事補遺補○按編在咸淳前事

李肖龍

李肖龍字叔膺增城人咸淳七年進士第累遷大社司令居官清白著有易傳五教書崔菊坡言行聞見等錄入元不仕將終遊羅浮登飛雲頂夜坐雲石達旦黎明下山感疾瀕危囑其子曰吾生平教汝在五教書遂卒時至元二

羅十

十九年也年五十八宋李春叟撰墓志參增城志補

徐心遠

以下元人

徐心遠惠州人有代唐古台作登山記本志

陳黃裳

陳黃裳號清溪惠州路教授有登山記原按石刻至元癸巳祀南海廟記未稱廣州路教授陳黃裳書卽其人山志會編改作陳翹未詳所出

趙孟傑

趙孟傑號橘隱博羅縣宰有醮山記原按宋史宗室世系表孟傑太祖十一世孫燕王德昭之後惠州志孟傑至大元年博羅縣尹

李衍

李衍字仲賓號息齋道人薊邱人官江浙行省平章皇慶

元年爲吏部尙書拜集賢大學士諡文簡博學多通兼善畫竹嘗使交趾深入竹鄉著竹譜詳錄記羅浮諸竹特詳自言嘗遇羅浮道士及僧始信有籠葱竹云

竹譜詳錄參滋溪集邵遠

平續宏簡錄補

蔡廷秀

蔡廷秀字君美松江人由郡諸生官至袁州推官斬寇犯袁被執三日罵不絕口遂遇害廷秀少好山水嘗登羅浮後遊武夷山作詩有去年遊羅浮鯨波浴日三更秋今年游武夷龍湫翻雪九曲池平生足跡山水窟二山冠絕天下奇之句

據元詩選癸集補

黃異

羅十

六

黃異字民同南康都昌人灑之裔少讀書白鹿洞至元間舉進士爲惠州學錄元季兵變隱不仕自號節菴著有詩集三十卷有羅浮月巖詩

據萬姓統譜山志會編

孫蕢

以下洪武間人

孫蕢字仲衍號西菴南海人邁敏秀偉爲詩文伸紙立就洪武三年以詩經中高選往遊羅浮賦咏久之乃北上旣筮仕猶作憶羅浮詩後官至翰林院典籍二十二年以事謫遼東尋坐爲藍玉題畫論死臨刑長謳而遊蕢初與王佐李德黃哲趙介結詩社南園所作咸有魏晉盛唐風格學者宗之稱爲五先生

據明史本傳廣州人物傳山志會編補

李德

李德字仲修號采真子番禺人洪武三年以明經薦授洛陽典史歷南陽西安二府幕官以年老改漢陽教諭調義寧解官歸卒德爲詩多學長吉太白嘗與孫蕢游羅浮及官洛陽蕢猶賦羅浮歌寄之有題蕭鍊師止菴諸詩據明史本

傳廣引人物傳
山志會編補

黃哲

黃哲字庸之番禺人性好山水結廬蒲澗栖息其中復往來羅浮諸名勝洪武初歷仕州郡以治行稱有賦羅浮山贈何景先及寄蕭集虛詩據明史孫蕢傳廣州人物傳粵東詩海補○按圖書集成引羅浮山志云何景先乃東莞伯真之子別號羅浮樵隱僧來復亦有詩見蒲菴集考東莞志真子八人榮字耀先貴字奉先宏字彥先餘未詳此景先不知何名

羅十

趙介

趙介字伯貞番禺人博通六籍及釋老書氣豪邁無仕進意行以囊自隨遇景賦詩投其中有司累薦皆辭免洪武二十二年坐累遠赴京卒於南昌舟次有懷仙吟稱昔嘗

采藥羅浮據明史孫蕢傳
粵東詩海補

張度

張度字景儀增城人洪武壬子登科第官至吏部尚書爲人清謹持大體時以爲有崔清獻風有遊羅浮詩據廣州人物傳

山志會
編補

何宏

何宏字彥先東莞人東莞伯真第六子蔭尙寶司丞擢少

卿後與榮貴並坐藍黨死宏有詩名有扶胥送別詩送人

之羅浮據粵東詩海補

習韶

習韶字尚鏞永豐人洪武中知長樂縣以孝弟化民勤於

撫字民安其業遷兵部郎詩古淡清婉解縉梁寅極推之

有羅浮諸詩據崑雙江集山志會編補

林鴻

林鴻字子羽福清人洪武初以人材薦官至禮部員外郎

年一四十自免歸閩中善詩者數十才子鴻為之冠有羅

浮見日圖諸詩據曝書亭集山志會編補

高棟

羅十

三

高棟字彥恢號漫士長樂人閩中十才子之一也有羅浮

霜月懷二逸人詩據名山藏明詩綜補

